

Evangeli ea Molimo ea Kamehla



SABATHA MANTSIBOEA

Bakeng sa thuto ea Beke ena, Bala:

Tšen. 14:6–12; Matt. 24:14; Moek. 12:13, 14; Exod. 20:2–11; Esa. 21:9; 34:8–10.

Temana ea Khopolo:

“Ke moo ho tla bonahala mamello ea bahalaleli, e leng ba bolokang litaelo tsa Molimo le tumelo ea bona ho Jesu” (Tšenolo 14:12).

Tšenolo e bontša hore thetso ea Satane ea nako ea ho qetela e tla atleha hoo lefatše le tla khetha ho rapela sebata le ho amohela letšoao la sona. Empa Tšenolo 14:1–5 e re bolella hore Molimo o tla le masala, e leng ba tla emela Morena ha boholo ba lefatše bosa etse joalo. Qetellong, batho ba tla lokela ho khetha, e se ho rapela kapa che (motho e mong le e mong ho na le ntho eo a e rapelang), empa, e le hore nab a rapela mang. Barapeli ba sebata batla amohela letšoao liphatleng tsa bona kapa letsohong le letona, e le pontšo ea khetho ea bona ho sebeletsa mokhoa ona oa bokoenihi ka likello le liketso tsa bona.

Ka nako e tšoanang, lefatše le tla bona phatlalatso e kholo ea Evangeli, e so kang e ba e bonoa ha e sa le ho tloha ka pentekonta. Pele likahlolo tsa Molimo li ka tšolleloa holima batho ba koenihileng, Molimo o tla romela melaetsa ea hae ea tlhokomeliso. Tšebetso ea Satane e ka lefatše lohle; ka hona, phatlalatso ea evangeli ea nako ea bofelo le eona e tla ba joalo. Molimo ha a batle hore mang kapa mang a timele empa o batla hore bohle ba finyelle pakong, e leng ka lebaka leo lefu la Kreste e leng la batho bohle. Taba ke hore na ke mang ea tla amohela mpho eo le hore ke mang a sat lo e amohela.

**Ithute thuto ea beke ena ho lokisetša Sabatha, 9 Hlakubele.*

Molaetsa oa Mangeloï a Mararo

Pejana ho bofelo, Molimo o romella melaetsa ea hae ea tlhokomeliso, e tšoantšitsoeng ka mangeloï a mararo a hooang haholo a fofa sebakeng sa maholimo. Lentsoe la se-Gerike bakeng sa lengeloï (angelos) le bolela “morumuoa.” Ka Bibeleng, mangeloï hangata a emela batho tšebeletsong ea Molimo (Mal. 2:7, Matt. 11:10). Bopaki bo tsoang ho Tšenolo bo supa hore mangeloï a mararo a emela batho ba Molimo ba tšepetsong ho jara molaetsa oa nako ea ho qetela ho o arolelana le lefatše.

Bala Tšenolo 14:6 'moho le Mattheu 24:14. Molaetsa oa Lengeloï la pele o boleloa e le “Evangeli ea kamehla le mehla” (Tšen. 14:6). See se re bolella eng ka se fuperoeng le sepheo sa molaetsa oa lengeloï lee? Hobaneng molaetsa oo e le khubu ea sohle seo re se lumelang?

Molaetsa ona oa pele oa nako ea ho qetela ke Evangeli. Evangeli ke litaba tse molemo ka Molimo, ea bolokang batho ka seo Jesu a ba etselitseng sona. Molaetsa oa lengeloï la pele ke “Evangeli ea kamehla” hobane ke karolo ea tšebetso e tsoelang pele ea Molimo ea ho hapa hape moloko o oeleng oa batho, moreor o kentsoeng tšebetsong le pele re ka ba teng (2 Tim. 1:9, Tite 1:2). Evangeli e kenyeletsa bobeli pholoho le kahlolo. Ke litaba tse molemo tsa pholoho ho ba e amohelang, empa hape ke tlhokomeliso ea kahlolo ho ba latolang tšepo e tlišoang ke eona.

Mangeloï a mararo a hlaloso a phatlalatsa melaetsa ka “lentsoe le leholo” (Tšen. 14:7, 9). Molaetsa o potlakile e bile o bohlokoa; o lokela ho utluoa ke bohle hobane o bua ka qetello ea bona ea ka ho sa feleng. Ka hona, o lokela ho phatlalatsa lichabeng tsohle, mefuta eohle, lipuo tsohle, le merabe eohle. Sena se totobetse ka taba ea hore, nakong ea ho qetela, sebata se tla etsa ka matla ohle ao se a filoeng ke Satane holima “merabe eohle, le holim’a lipuo tsohle, le holima lichaba tsohel!” (Tšen. 13:7). Joalo ka ha tšebetso ea Satane e le ka lefatše lohle, ho joalo feela ka phatlalatsa ea Evangeli.

Melaetsa ea mangeloï a mararo e phatlalatsa ke batho ba Molimo khahlanong le meea e meraro ea matemona e joalo ka lihohoana e tsoang molomong oa boraro ba Satane (Tšen. 16:13, 14). Melaetsa ea tsona e etsisa melaetsa ea mangeloï a mararo. Ka hona, qetellong, lefatše le tla fuoa melaetsa e ’meli e loants’anang, molaetsa ka mong sepheo e le ho hapa kutlo ea batho ba lefatše.

Re le ma-Seventh-day Adventist, re bilelitsoe ho fihlela lefatše ka evangeli. U etsang eng (e, uena!) ho thusa ho etsa joalo? Ke eng hape eo u ka e etsang?

Molaetsa oa Lengeloi la Pele, Karolo ea 1

Bala Tšenolo 14:7 'moho le moekesisa 12:13, 14. Ho bolela eng ho “tšaba Molimo”? Ke joang taba ea ho tšaba Molimo e amanang le Evangeli, 'me Evangeli e kena kae ho bolokeng litaelo tsa Molimo? (Sheba hape Ba-Roma 7:7–13.) Ke khokahano efe lipakeng tsa ho tšaba Molimo le ho mo fa khanya?

Memo ea “Tšabang Molimo isang khanya ho oona” (Tšen. 14:7) e phatlalatsoa boemong ba “Evangeli ea kamehla le mehla.” Ho hlokomela seo Kreste a re etselitseng sona bakeng sa pholoho ea rōna ho tlisa karabelo e molemo bakeng sa hae. Ho Tšenolo, ho tšaba Molimo le ho isa khanya ho oona li hokahane (Tšen. 11:13, 15:4). Ha ea pele e supa likamano tse nepahetseng le Molimo (Jobo 1:8), ea morao e supa kutlo ho eena.

Ho tšaba Molimo ha ho bolele ho mo tšoha empa ho mo kela hlohong le ho nea sebaka sa hae se loketseng maphelong a rōna. Batho ba Molimo ba nako ea ho qetela ke bona ba tšabang Molimo (sheba Tšen. 11:18, 19:5). Motho ea tšabang Molimo o mo nea khanya ka kutlo ea hae (Deut. 5:29, Moek. 12:13) le ka ho bontša semelo sa Molimo (Gen. 22:12).

Tšusumetso ea ho tšaba Molimo le ho isa khanya ho oona ke hore “nako ea ho ahlola ha oona e tšile” (Tšen. 14:7). Kahlolo eo ho buuoang ka eona mona ke kahlolo ea pele ho ho khutla, e nkang karolo pejana ho ho tla labobeli. Sepheo sa kahlolo eba ea pele ho ho khutla ha Jesu ke ho qetelisa qeto tsa rōna hore na efela ka 'nete re sebeletsa Molimo (qeto e entsoeng e pakoang ke mesebetsi ea rōna). Qetellong ea kahlolo ena, qetello ea motho e mong le e mong e ea etsoa (Tšen. 22:11), 'me Jesu o tla tla ho tlisa moputso oa e mong le e mong ka ho lekanang liketso tsa hae (Tšen. 22:12).

Kahlolo ho Tšenolo 14 ke karolo ea Evangeli. Ho ba leng kamanong tse nepahetseng le Molimo, kahlolo ke litaba tse Monate; e bolela phetsetso, pholoho, le tokoloho. Empa, ke taba tse bosula ho basa tšepahaleng. Molaetsa oa kahlolo e tlang ke memo ho bona ho khutlela ho Molimo le ho baka, hobane Molimo a lakatse leha a le mong a ka timela epma bohle ba finyelle pakong (2 Pet. 3:9).

Ke joang u ka emang, u le mong, kahlolong? Ke kahlolo efe eo liketso tsa hao li ka u tiisetang eona? Karabo ea hao e u bolella eng ka tlhokahalo ea evangeli, 'me hobaneng e hokahane haholo le molaetsa oa lengeloi la pele?

Molaetsa oa Lengeloi la Pele, Karolo ea 2

Tšenolo e bontša hore khubu ea taba tlokotsing ea ho qetela ea nalane ea lefatše e tla ba khumamelo le kutlo ho Molimo, joalo ka ha e senotsoe ho bolokeng melao ea hae (Tšen. 14:12). Batho ba lefatše ba tla oela likarolong tse peli: ba tšabang le ho khumamela Molimo, le ba tšabang le ho khumamela sebata.

Sheba melao e mene ea pele ea melao e shome (Exoda 20:2–11). E be u sheba Tšenolo 13. Ke joang ho batla khumamelo ha sebata (Tšen. 13:15), ho etsa setšoantšo sa sebata hore se khumameloe (Tšen. 13:14, 15), nyefolo ho Molimo le lebitso la hae (Tšen. 13:5, 6), le ho amohela letšoao la sebata (Tšen. 13:16, 17) ho supang ho tlaselo ea Satane melaong eo e mene tlokotsing ea ho qetela?

Khubu ea taba ea melao e mene e pele ea melao e shome e amana le khumamelo. Tšenolo e lekanya hore melao ena e tla ba sekala sa botšepahi ho Molimo tlokotsing ea ho qetela. Ntoa ea ho qetela lipakeng tsa Krete le Satane ka ho totobala e tla ba holima khumamelo le melao e mene ea pele.

Taba ea mantlha tlokotsing ea ho qetela e tiisoa karolong ea bobeli ea molaetsa oa lengeloi la pele. Memo ea “‘me le khumamele ea entseng maholimo le lefatše, le leoatle le liliba tsa metsi’” (Tšen. 14:7) ke puo e supang molao oa bone oa e shome (Exoda 20:11). Sena se bontša hore memo ea ho khumamela Molimo e fanoa boemong ba poloko ea Sabatha.

Melaong e shome, joalo ka hohle Bibeleng, khumamelo ea 'nete e amana le letsatsi le nepahetseng la khumamelo. Letsatsi la bosupa la Sabatha ke letšoao le khethehileng la likamano tsa rōna le Molimo (Exoda 31:13, Ezek. 20:12). Molaetsa oa lengeloi la pele o bontša hore nakong ea ho qetela batho ba lefatše ba tla biletsoa ho khutlela khumamelong ea Molimo oa 'nete le ho nea sebaka seo e leng sa hae ka toka maphelong a bona. Molaetsa ona o hlakola thetso ea Satane ea nako ea ho qetela ho hulela lefatše bolumeling ba bohata le khumamela molimo oa maiketsetso. Khubung ea eona eohle e tla ba molao oa bone, Sabatha ea letsatsi la bosupa.

“Ha poloko ea Sabatha sa bohata ho ea taelo ea 'muso oa naha, khahlanong le molao oa bone, e tla be e le phatlalatsa e bonahalang ea kutlo ho matla a khanong le Molimo, ho boloka Sabatha ea 'nete, e le kutlo molaong oa Molimo, ke bopaki ba botšepahi ho Molimo. Ha sehlopha se seng, ka ho amohela letšoao la kutlo matleng a lefatše, se amohela letšoao la sebata, se seng ka ho khetha letšoao la kutlo boreneng ba leholimo, ba amohela letšoao la Molimo.” —Ellen G. White, *The Great Controversy*, p. 605.

Molaetsa oa Lengeloi la Bobeli

Ha molaetsa oa lengeloi la pele o ne o bitsetsa batho ho tšaba Molimo le ho khumamela Molimo oa 'nete, la bobe le phatlalatsa timelo ea Babylona oa nako ea ho qetela e leng tšebetso ea bolumeli ba bohata.

Bala Tšenolo 14:8 'moho le Tšenolo 18:2 le Esaia 21:9. Ho phetoa habeli ha lentsoe “O oele” ho supa ho tiea ha qetello ea Babylona. Hobaneng Babylona e hlalosoa e se ntse e oele leha ho oa ha eona e le ntho ea ka moso?

Babylona mona ho buuo ka eona e le motse o moholo. Lebaka la sena ke hobane Babylona ka tšoantšetso ho Tšenolo e emetse Babylona ea nalane e le matla a hananang le Molimo le ho hatella batho ba hae. Esaia 14:12–15 e lekanya Babylona le satane le teko ea hae ea ho iketsa ea lekanang le Molimo. Babylona oa nako ea ho qetela ho Tšenolo ke lebitso la boraro ba satane bo kopanong le bolumeli ba bohata (Tšen. 17:5). Bana ba tla ipheha bosebeletsing ho Satane khahlanong le batho ba Molimo (sheba Tšen. 13:11–18). Kopano ena ea bolumeli ba bokhelohi e tla bonahatsa boikhothomoso ba Babylona oa mehleng ka ho iphahamisetsa ka holimo ho Molimo le ho batla ho nka sebaka sa hae lefatšeng lena. Molaetsa oa lengeloi la bobeli o tiisetse batho ba Molimo hore tšebetso ena e khopo e tla fihla qetellong, joalo fela ka Babylona oa khale.

Bala hape Tšenolo 14:8 'moho le 17:2 le 18:3. Ke joang Babylona a etsang hore lefatše le tahoe ke veine ea bootsoa ba hae? Veine ke eng ka eona?

Babylona e qosoa ka ho noesa lichaba tsohle vein ea bohale ba bootsoa ba hae. Jeremia e buoa ka Babylona e tahisa lichaba tsa lefatše (Jer. 51:7). Tšenolo 17 e bontša Babylona oa nako ea ho qetela e le seotsoa se etsang batho ba lefatšeng ba tahoe ke veine ea bootsoa ba hae (sheba Tšen. 17:2). Sena se supa ho Tšenolo 13 moo boraro ba Satane bo hohelang batho ba lefatše ho khumamela sebata le setšoantšo sa sona (Tšen. 13:11–18). Veine ea Babylona ke lithuto tsa bohata le evangeli ea bohata e fanoang ke tšebetso ena ea bokhelohi ea bolumeli. Batho ba tahiloeng ba ke ke ba nahana hantle. Ha batho ba tahoa le semoeng ke viene ea Babylona, Babylona e tla laola matsoalo a bona le ho ba hohella ho khumamela sebata le ho amohela letšoa la sebata. Ha litlamorao tsa botahoa ba bona li se li fetile, ba tla lemoha liqeto tsa bona le liketso tsa bona, leha hole joalo, e tla be e le morao (Tšen. 17:15–17).

Na motho o lokela ho phela Babylona e le hore a tle a noe veine ea Babylona? Ke ka tsela e fe motho a noang veine ea Babylona?

Molaetsa oa Lengeloi la Boraro

Tšenolo 14:12 e bolela batho ba Molimo ba tšepahalang joang?

Khahlanong le batho bana, Tšenolo 14:9, 10 e hlokomelisa ka qetello ea ba tla tobana le khalefo ea Molimo. Testamenteng ea Khale, ho tšoloha ha khalefo ea Molimo ho hlalosoa ka tšoantsetso e le ho noa khalefo ea veine ea Molimo ka senoele (Jer. 25:15, 16). Boima ba kahlolo holima barapeli ba sebata e bontšoa e le ho noa veine ea bohale ba Molimo e tšetsoeng e sa tsoakoa senoelong ea oona. Batho ba khale hangata ba ne ba tsoaka veine ka metsi ho theola matla a eona a ho taea. Ho eketsa matla a eona, veine e sa tsoakoang e ne e tsoakoa le litlama le linoko. Veine e sa tsoakoang e emela ho tšeloa ha khalefo ea Molimo ka matla a eona a feletseng e sa tsoakoa le mohau (sheba Pes. 75:8).

Bala Tšenolo 14:10, 11 'moho le Tšenolo 20:10–15. Ke joang Esaia 34:8–10 le Juda 7 li fanang ka leseli holima polelo ee: “‘Me mosi oa hloko-falo ea bona o nyoloha kamehla le mehla’”?

Polelo ea hloko-fatso ka mollo le sebahole e supa timetso ka ho phethahala. Mollo le sebahole ke mokhoa oa khaolo (Gen. 19:24, Esa. 34:8–10). Mosi o nyolohang oa hloko-falo ke setšoantšo se tsejoang ka Bibeleng. Esaia o porofetile ka timetso ea ka moso ea Edomo ka mollo le sebahole: e tla fetoha lebala la mollo; “E ke ke ea tinngoa ke motho bosiu le motšea-re; mosi oa eona o tla nyoloha ka ho sa eeng kae” (Esa. 34:10). Juda o hlalosa timelo ea Sodoma le Gomorra ka hore e “kotlong ea mollo o sa feleng” (Jude 7). Litemana tse na ha li buoe ka ho tuka ho sa timeng, hobane ha ho le o mong oa metse ena o ntseng o tuka le kajeno. Litholoana ke tsa bo sa feleng, e seng ho cha ka ho hona. “Mollo o sa timeng” ho Tšenolo o supa timetso ka ho phethahala; ho tuka ho tla ba ho lelele ho lekana ho qeta tuu ho fihlela ho se na letho le setseng ho ka cha.

Leha re ka leboha ka 'nete e kholo ea hore mollo oa lihele ha o hloko-fatse ba lahlehileng ka ho sa feleng, kotlo e ntse e le mpe ho lekana. See se lokela ho re bolella eng ka tšebetso eo re filoeng ea ho hlokomelisa ba bang ka se tlang?

Khopolo e Eketsehileng:

Bala Ellen G. White, “The Final Warning,” pp. 603–612, ho *The Great Controversy*. Tšenolo e bontša hore nakong ea ho qetela, batho ba Molimo ba ronngo a ka phatlatlatso ea evangeli ea nako ea bofelo ho lefatše. Mosebetsi o kapele ho rōna o bonahala o tšosa e bile o sa khonehe. Leha hole joalo, re na le tšepiso ea matla a Molimo. “Mosebetsi o moholo oa Evangeli ha se ho koala ka ponahalo e fokolang ea matla a Molimo ho feta ha o qala. . . . “Molaetsa o tla nkoa e seng ha kalo ka khang empa ka ka kholiseho e tebileng ea Moea oa Molimo. Likhang li se li behiloe. Peo e se e jetsoe, ’me joale e tla hlaha le ho beha litholoana.”—Ellen G. White, *The Great Controversy*, pp. 611, 612. Phethahalo ea phatlatlatso ea molaetsa oa ho qetela oa Molimo e tla tla ka karohano e khoho ho aroleng batho ba lefatše lihlopha tse peli: ba nang le likamano le Molimo le ba khethang ho latela sebata. Karohano ena e bontšoa ka kotulo tse peli: ho bokelloa ha koro molikong (Tšen. 14:14–16) le morara sehatelong (Tšen. 14:17–20). Sena ke sehloho sa Tšenolo 17–18.

Lipotso tsa Puisano:

1. Nahana ka sena: ke mang ea rutang molaetsa oa mangeloi a mararo ha e se ma-
Seventh-day Adventist? See se lokela ho re bolella eng ka bohlokoa ba mosebetsi
oa rōna? Re u nkela hloohong ha kae?
2. Hobaneng u nahana hore kahlolo ke taba e sa tumang hara Bakreste ba bangata?
Ke ho lumellana hofe ho teng ha taba ea kahlolo ea patlisiso bakeng sa Bakreste
kajeno? Ke joang u ka thusang molumeli e mong ho utloisisa moelelo oa ’nete oa
kahlolo ea patlisiso?
3. Nahana ka taba ea sabatha boemong ba liketsahalo tsa ho qetela. Hobaneng e
etsa kelello hore e be Sabatha sa letsatsi la bosupa, e tlohlang morao koana bekeng
ea pele ea tlholeho ka bo eona (Gen. 2:2, 3), e tla bapala karolo e bohlokoa ha kaalo?
Haeba taba e le hore na ke mang eo re mo khumamelang, ’mopi oa “leholimo le
lefatše” (Tšen. 14:7), kapa matla a sebata, ’me haeba Sabatha ea letsatsi la bosupa
ke ea khale ka ho fetisa, ke eona motheo, le letšoao le tiileng la Molimo e le ’mopi
oa “maholimo le lefatše,” joale hobaneng sabatha, e le o mong oa melao ea Molimo
(Tšen. 14:12), o bapala karolo e hlaleletseng ha kaalo tlokotsing ea ho qetela?